



Broj:
Sarajevo, __.__.2018. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 - prečišćeni tekst), Gradsko vijeće Grada Sarajeva, na 22. sjednici održanoj 19.12.2018. godine, usvojilo je

Izveštaj o stanju u državnoj službi u Gradu Sarajevu.

PREDSJEDAVALJUĆI GRADSKOG VIJEĆA

Igor dr. Gavrić

BOSNA I HERCEGOVINA
Federacija Bosne i Hercegovine
KANTON SARAJEVO
GRAD SARAJEVO
GRADONAČELNIK



Grad Sarajevo
City of Sarajevo

BOSNIA AND HERZEGOVINA
Federation of Bosnia and Herzegovina
CANTON OF SARAJEVO
CITY OF SARAJEVO
MAYOR

IZVJEŠTAJ
O STANJU U DRŽAVNOJ SLUŽBI U GRADU SARAJEVU

Predlađač: Gradonačelnik

Obrađivač: Gradska služba za opću upravu i zajedničke poslove

Sarajevo, decembar 2018. godine

Adresa: Hamdije Kreševljakovića 3, 71000 Sarajevo, Bosna i Hercegovina
Tel: +387 33 208 340, +387 33 443 050; **Fax:** +387 33 208 341
e-mail: grad@sarajevo.ba; **web:** www.sarajevo.ba



EYOF 2019
Sarajevo & East Sarajevo

Uvod

Izveštaj o stanju u državnoj službi u Gradu Sarajevu urađen je u skladu sa članom 70. stav 2. Zakona o državnoj službi u Kantonu Sarajevo („Službene novine Kantona Sarajevo“, broj 31/16) i odnosi se na period januar – decembar 2018. godine.

Nadležnosti

Djelokrug gradskih službi odvija se u skladu sa nadležnostima utvrđenim Statutom Grada Sarajeva („Službene novine Kantona Sarajevo“, broj 34/08 – prečišćeni tekst), Odlukom o organizaciji i djelokrugu organa uprave Grada Sarajeva („Službene novine Kantona Sarajevo“, broj 27/17) i donesenih odluka Gradskog vijeća Grada Sarajeva.

U skladu sa Statutom Grad Sarajevo je nadležan za:

1. urbano planiranje/upotrebu lokalnog zemljišta,
2. javne službe/infrastrukturu (vodu, kanalizaciju, prikupljanje otpada, grijanje, gas, tržnice, javne parkove, vatrogasne brigade, lokalne zdravstvene službe, sportske objekte, groblja),
3. gradske finansije,
4. javni saobraćaj,
5. kulturu,
6. osnovno i srednje obrazovanje,
7. lokalni biznis,
8. dobrotvorne organizacije,
9. lokalni radio i televiziju,
10. lokalni turizam,
11. izvršne aspekte stambene politike (dodjela stanova, planiranje, izgradnja i održavanje zgrada u društvenom vlasništvu, odluke o visini stanarina),
12. druge nadležnosti koje Gradu Sarajevu prenese Kanton Sarajevo, odnosno povjere općine.

Iako su gore nabrojane statutarne nadležnosti, veći dio je preuzeo pravni sljedbenik Kanton Sarajevo.

Unutrašnja organizacija

U skladu sa članom 48. i 50. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) isključiva nadležnost gradonačelnika odnosi se na organizovanje Gradske uprave tako da dijeluje ekonomično i efikasno, stara se o urednom obavljanju poslova i izvršava raspoređivanje državnih službenika i namještenika po službama, pri čemu poštuje zakonske principe utvrđene Zakonom o državnoj službi u KS („Službene novine Kantona Sarajevo“, broj 31/16) i Zakonom o namještenicima u organima državne službe u Federaciji BiH („Službene novine Federacije BiH“, broj 49/05).

Proces rada u Gradu Sarajevo u izvještajnom periodu, odvijao se u osam gradskih službi, i Stručnoj službi gradonačelnika Grada Sarajeva, u čijem sastavu je bilo organizovano dva odjeljenja.

U vezi sa izvršenom reorganizacijom Grada Sarajeva, u periodu juni-decembar proces rada se odvijao u sedam gradskih službi i Stručnoj službi gradonačelnika Grada Sarajeva, u čijem sastavu su bila organizovana dva odjeljenja.

Radni odnosi i upošljavanje

U toku izvještajnog perioda upošljavanja su vršena po osnovu Javnih konkursa objavljenih u Službenim novinama Federacije BiH, dnevnim listovima, potpisanih Ugovora o preuzimanju državnog službenika, te angažmana osoba potpisivanjem volonterskih ugovora, a sve u skladu sa Zakonom o državnoj službi Kantona Sarajevo („Službene novine Kantona Sarajevo“, broj 31/16) i Zakonom o namještenicima u organima državne službe u Federaciji BiH („Službene novine Federacije BiH“, broj 49/05).

Poslovi koji nisu sistematizovani u pravilnicima o unutrašnjoj organizaciji i sistematizaciji radnih mjesta i koji su povremenog i privremenog karaktera (Vijećnica, Žičara, EYOF i sl.) realizirani su putem ugovora o djelu.

Naime, u toku izvještajnog periodu, u Gradu Sarajevo raspisana su četiri Javna konkursa za prijem državnih službenika i to:

- za prijem urbanističko-građevinskog inspektora koji je okončan 21.05.2018. godine
- za prijem stručnog saradnika za investicijske poslove i regionalno prostorno planiranje koji je okončan donošenjem pravosnažnog rješenja 08.11.2018. godine,
- za prijem šefa Odsjeka za EU fondove koji je okončan donošenjem pravosnažnog rješenja 08.11.2018. godine.
- za prijem stručnog saradnika za saradnju sa vjerskim zajednicama i nevladinim organizacijama koji je okončan donošenjem konačnog rješenja danom 16.11.2018. godine,

U izvještajnom periodu preuzeta su tri državna službenika - rukovodilac Stručne službe, pomoćnik gradonačelnika za urbano planiranje, investicije, stambene i komunalne poslove u organu uprave Grada Sarajeva i šef Kabineta.